

Koja zanimanja su suficitarna, a koja deficitarna?

U želji da informiše maturante o potrebama na tržištu rada, Agencija za rad i zapošljavanje BiH ponovo je prikupila i na jednom mjestu objavila podatke zavoda i službi zapošljavanja o najtraženijim zanimanjima u Bosni i Hercegovini, a na osnovu podataka sa evidencija nezaposlenih osoba.

Najbrojnija (suficitarna) zanimanja među nezaposlenim osobama

Najbrojnija zanimanja među nezaposlenim osobama sa fakultetskim obrazovanjem su: ekonomista, pravnik, profesor razredne nastave, profesor engleskog jezika, kriminalist, politolog, žurnalist, socijalni radnik, inženjer poljoprivrede.

Najbrojnija zanimanja među nezaposlenim osobama sa srednjom tehničkom školom su: ekonomski tehničar, mašinski tehničar, maturant gimnazije, medicinskih sestara, poljoprivredni tehničar, tekstilni tehničar i hemijski tehničar.

Najbrojnija zanimanja među nezaposlenim osobama sa završenom trogodišnjom ili četvorogodišnjom zanatskom školom su: prodavač, bravar, automehaničar, frizer, kuhar, konobar, krojač.

Najtraženija (deficitarna) zanimanja prema zapošljavanju u 2024. godini i navedenim potrebama poslodavaca za 2025. godinu

Najtraženija zanimanja sa fakultetskom diplomom su: pravnik, ekonomista, inženjer elektrotehnike, sistem inženjer, programer, IT developer, farmaceut, doktor stomatologije, doktor medicine-specijalista, građevinski inženjer.

Od zanimanja sa diplomom srednje tehničke škole najtraženiji su: trgovac, komercijalist, konobar, agent u pozivnom centru, tehničar mehatronike, medicinska sestra.

Najtraženija zanimanja sa zanatskom srednjom školom su: prodavač, konobar, vozač kamiona, varioc, kuhar, šivač,

krojač, zidar, tesar.

Za detaljnije informacije o deficitarnim i suficitarnim zanimanjima u oba entiteta, Brčko distriktu BiH i kantonima u Federaciji BiH posjetite našu web stranicu na sljedećem linku